



O'ZBEKISTON RESPUBLIKASI PREZIDENTINING FARMONI

2025 yil « 30 » декабрь

ПФ–270 -son

Ўзбекистон Республикасида коррупциянинг олдини олиш ва унга қарши курашиш тизимини янада такомиллаштириш тўғрисида

Коррупциянинг олдини олиш ва унга қарши курашиш соҳасидаги давлат сиёсатини изчил давом эттириш, мамлакатимизнинг халқаро рейтинг ва индекслардаги позициясини янада яхшилаш ҳамда Ўзбекистон Республикаси Коррупцияга қарши курашиш агентлигининг фаолиятини янги босқичга кўтариш мақсадида **қарор қиламан:**

I. Устувор йўналишлар

1. Қуйидагилар коррупциянинг олдини олиш ва унга қарши курашиш соҳасидаги давлат сиёсатини сифат жиҳатидан янги босқичга кўтаришнинг 2030 йилгача бўлган **устувор йўналишлари** этиб белгилансин:

(а) давлат органлари ва ташкилотлари, устав фондида (устав капиталида) давлат улуши 50 фоиз ва ундан ортиқ бўлган хўжалик жамиятлари (кейинги ўринларда – давлат органлари ва ташкилотлари)да коррупцияга қарши курашишнинг профессионал ва самарали тизимини ташкил этиш;

(б) коррупция оқибатлари билан курашишдан кўра коррупциявий омилларни барвақт аниқлаш ва превентив механизмларни жорий этиш орқали тизимли коррупциявий ҳолатларни олдини олиш;

- (в) рақамли технологиялар, шу жумладан, сунъий интеллектни жорий қилишни ҳамда улардан самарали фойдаланишни кенгайтириш;
- (г) давлат органлари ва ташкилотлари фаолиятида очиқлик сиёсатини изчил давом эттириш ва мунтазам такомиллаштириб бориш.

2. Коррупциянинг олдини олиш ва унга қарши курашиш соҳасидаги давлат сиёсатини амалга оширишнинг сифат жиҳатидан янги босқичга кўтаришга қаратилган чора-тадбирлар режаси 1-иловага мувофиқ тасдиқлансин.

II. Коррупция омилларини аниқлаш ва бартараф этиш самарадорлигини ошириш

3. Ўзбекистон Республикаси Коррупцияга қарши курашиш агентлигига (кейинги ўринларда – Агентлик) коррупцияга қарши курашиш соҳасида превентив механизмларни жорий этишга қаратилган қўйидаги қўшимча вазифалар юклатилсин:

- (а) коррупцияни олдини олиш бўйича давлат органлари ва ташкилотларида ягона ҳуқуқни қўллаш амалиётини шакллантириш ҳамда услубий ёрдам кўрсатиб бориш;
- (б) давлат органлари ва ташкилотларида коррупцияга қарши Миллий сертификатлаштириш менежмент тизимини жорий этиш;
- (в) амалдаги норматив-ҳуқуқий ҳужжатларни коррупцияга қарши экспертизадан ўтказиш ва улардаги коррупциявий хавф-хатарларни бартараф қилиш борасидаги фаолиятни мувофиқлаштириш;
- (г) давлат органлари ва ташкилотларининг коррупциявий хавф-хатар даражаси юқори бўлган вазифа ва функцияларини рақамлаштириш бўйича таклифлар ва минимал талабларни ишлаб чиқиш;
- (д) “E-qaror” тизимида қабул қилинадиган ҳужжатларни эълон қилишда очиқликка оид қонунчиликка риоя этилишини назорат қилиш ва очиқликни таъминлаш бўйича таъсирчан чораларни қўллаш;

(ж) халқаро молия институтлари ва хорижий ҳукумат молия ташкилотлари маблағлари ҳисобидан молиялаштириладиган лойиҳалар бўйича қарорлар қабул қилишда коррупциявий омиллар, шў жумладан, манфаатлар тўқнашувини аниқлаш ҳамда олдини олиш.

4. Белгилансинки, давлат органлари ва ташкилотларидаги коррупцияга қарши ички назорат бўлинмаларининг фаолияти Агентлик билан ўзвий ҳамкорликда ташкил этилади. Бунда:

(а) коррупцияга қарши ички назорат бўлинмаларининг ўз зиммасига юклатилган вазифалар ва функцияларни амалга оширишга оид фаолияти Агентлик томонидан мувофиқлаштирилади;

(б) коррупцияга қарши ички назорат бўлинмалари ва улар ходимларининг вазифалари, функциялари ва жавобгарлиги Агентлик билан келишилган ҳолда иш берувчи томонидан тасдиқланади;

(в) коррупцияга қарши ички назорат бўлинмалари ходимлари зиммасига ўларнинг вазифалари ва функциялари билан боғлиқ бўлмаган топшириқлар юклатилишига йўл қўйилмайди;

(г) коррупцияга қарши ички назорат бўлинмаларининг раҳбар ва ходимлари фаолиятига самарадорлик кўрсаткичлари (KPI) қўлланилмайди, бунда:

(i) самарадорлик кўрсаткичларидан (KPI) келиб чиқадиган ўстамалар тегишли лавозим учун белгиланган максимал миқдорда татбиқ этилади;

(ii) ўстамалар миқдорини пасайтириш масаласи Агентлик розилиги билан ҳал этилади;

(д) коррупцияга қарши ички назорат бўлинмаларининг ходимларини интизомий жавобгарликка тортиш Агентлик билан келишилган ҳолда амалга оширилади;

(ж) коррупцияга қарши ички назорат бўлинмалари ходимлари давлат органлари ва ташкилотларининг ўз маблағлари ҳисобидан Агентлик томонидан тасдиқланадиган режа-жадвалга асосан махсус ўқув курсларида ўқитилади.

5. Белгилансинки, коррупцияга қарши ички назорат бўлинмаларининг масъул лавозимларига нисбатан иш тажрибаси ва касбий компетенциясига доир қўйидаги минимал талаблар жорий этилади:

(а) юриспруденция, иқтисодиёт, молия, солиқ, аудит, тизимли таҳлил, менежмент ёки ахборот технологиялари мутахассисликлари бўйича олий маълумот;

(б) коррупцияга қарши ички назорат бўлинмаси бошлиғи лавозими учун мутахассислиги бўйича камида 4 йиллик, бошқарув ходимлари учун 3 йиллик иш стажи. Бунда комплаенс ва коррупцияга қарши курашиш йўналишидаги иш стажига устуворлик берилади;

(в) коррупцияга қарши курашиш соҳасида махсус ўқув курсларидан ўтганлик тўғрисида сертификатга эга бўлиш. Сертификатга эга бўлган мутахассислар Агентликда юритиладиган коррупцияга қарши ички назорат бўлинмаларига номзодлар захирасига киритилади.

6. 2026 йил 1 июлдан бошлаб давлат органлари ва ташкилотларида 2030 йилгача босқичма-босқич коррупцияга қарши Миллий сертификатлаштириш менежмент тизими жорий этилади. Бунда:

(а) ушбу тизим биринчи навбатда Коррупцияга қарши курашиш ишларининг самарадорлигини рейтинг баҳолаш тизими натижаларига кўра “қониқарсиз” деб баҳоланган давлат органлари ва ташкилотларида жорий этилади;

(б) давлат органлари ва ташкилотларида Миллий сертификатлаштириш менежмент тизимини жорий этиш Агентлик томонидан тасдиқланадиган режа-графикка мувофиқ босқичма-босқич амалга оширилади;

(в) Миллий сертификатлаштириш менежмент тизимининг белгиланган муддатларда жорий этилмаганлиги давлат органи ёки ташкилоти раҳбари ва ўринбосарларига тизим жорий этилгунга қадар бўлган муддатда барча рағбатлантириш тўловлари тўхтатиб турилишига сабаб бўлади.

7. Агентликка қуйидаги ҳуқуқлар берилсин:

(а) коррупциявий хавф-хатар ва ҳуқуқбузарлик даражаси юқори бўлган давлат органлари ва ташкилотларининг коррупцияга қарши ички назорат бўлинмалари тўзилмасига қўшимча штат бирликларини кўпи билан 2 йил муддатга жорий этиш. Бунда:

(i) қўшимча штат бирликлари Агентлик директорининг тақдимномасига асосан ушбу ташкилотларнинг мавжуд штат бирликлари доирасида жорий этилади;

(ii) қўшимча штат бирликларига ходимларни лавозимга тайинлаш ва лавозимдан озод қилиш Агентлик томонидан амалга оширилади;

(б) давлат органлари ва ташкилотларида фаолияти хусусиятларига мос бўлган “комплаенс-назорат” тизимини йўлга қўйиш бўйича таклифлар ва ташаббусларни ишлаб чиқиш, соҳалар ва тармоқларда коррупцияга қарши курашиш тизимини ривожлантириш масалалари бўйича **лойиҳа офисларини ташкил этиш**. Бунда:

(i) лойиҳа офислари Агентлик директорининг буйруғига мувофиқ Агентлик ходимлари, давлат органлари ва ташкилотлари коррупцияга қарши ички назорат бўлинмалари ходимлари ҳамда эксперт ва мутахассислардан иборат таркибда тўзилади;

(ii) Агентлик директорининг давлат органлари ва ташкилотлари ходимларини лойиҳа офисларига жалб қилиш ҳақидаги буйруғи бажарилиши мажбурий ҳисобланади;

(iii) давлат органлари ва ташкилотлари ходимлари лойиҳа офиси фаолиятига жалб этилган даврда уларнинг ойлик иш ҳақи ва бошқа барча қўшимча тўловлари сақлаб қолинади;

(iv) лойиҳа офиси фаолиятига жалб этилган давлат органлари ва ташкилотларининг ходимлари, эксперт ва мутахассисларга ўрганиш олиб борилаётган давлат органи ёки ташкилотининг бюджетдан ташқари жамғармаси ва қонунчиликда тақиқланмаган бошқа манбалар ҳисобидан қўшимча ҳақ тўланиши мумкин.

8. Агентлик амалдаги норматив-ҳуқуқий ҳужжатларни коррупцияга қарши экспертизадан ўтказиш ва улардаги коррупциявий хавф-хатарларни бартараф қилиш юзасидан давлат органлари ва ташкилотлари фаолиятини мувофиқлаштириш бўйича **масъул орган** этиб белгилансин. Бунда:

(а) давлат органлари ва ташкилотлари томонидан амалдаги норматив-ҳуқуқий ҳужжатларни коррупцияга қарши экспертизадан ўтказиш натижалари бўйича ҳужжатлар Агентликка тақдим этилади;

(б) 2027 йилдан бошлаб Агентлик таҳлиллар асосида амалдаги норматив-ҳуқуқий ҳужжатларни коррупцияга қарши экспертизадан ўтказишнинг давлат органлари учун мажбурий бўлган йиллик режа-графикини ҳар йили 1 апрелга қадар тасдиқлайди ва эълон қилади;

(в) йиллик режа-график ижроси натижалари ҳақидаги ахборот Агентлик томонидан Ўзбекистон Республикасининг Коррупцияга қарши курашиш бўйича миллий кенгашига ва Ўзбекистон Республикаси Президенти Администрациясига киритиб борилади.

III. Коррупцияга қарши курашиш бўйича яхлит тизимни ташкил этиш

9. Агентлик, ҳуқуқни муҳофаза қилувчи ва назорат органлари, илмий муассасалар, коррупцияга қарши ички назорат бўлинмалари ва фуқаролик жамияти институтларининг доимий ҳамкорлигига асосланган **Коррупциянинг олдини олишнинг яхлит тизими** (кейинги ўринларда – **Коррупциянинг олдини олиш кластери**) жорий этилсин.

10. Белгилансинки, Коррупциянинг олдини олиш кластери доирасида:

(а) ҳуқуқни муҳофаза қилувчи органлар Агентликни коррупцияга оид ҳуқуқбузарликлар юзасидан терговга қадар текширув, суриштирув ва дастлабки тергов жараёнида аниқланган коррупциявий омиллар ва юзага келиши мумкин бўлган хавф-хатарлар бўйича таҳлилий ва статистик маълумотлар билан таъминлайди;

- (б)** Агентликка Ҳисоб палатаси, Давлат молиявий назорати инспекцияси томонидан молиявий назорат ва аудитни амалга оширишда давлат харидлари, манфаатлар тўқнашуви, молиявий хавф-хатарлар юзасидан ўтказилган таҳлиллар ва ўрганиш натижалари билан ахборот тизими орқали танишишга рўхсат берилади;
- (в)** 2-иловадаги илмий муассасалар коррупцияга қарши курашиш соҳасида илмий таҳлилларни қилади, Агентликнинг буюртмасига асосан илмий асосланган ечимларни ишлаб чиқади, малака ошириш дастурларини ташкиллаштиради;
- (г)** коррупцияга қарши ички назорат бўлинмалари тизимдаги коррупциявий ҳуқуқбузарликлар содир этилишининг ҳолати ва йўналишлари ҳақида маълумот ҳамда уларни бартараф этиш бўйича таклифларни ҳар чоракда Агентликка тақдим этиб боради;
- (д)** фуқаролик жамияти институтлари коррупцияга қарши курашиш бўйича жамоатчилик назорати, шу жумладан, жамоатчилик эшитуви ҳамда мониторинги, жамоатчилик фикрини ўрганишни амалга оширади.

11. Агентлик:

- (а)** тўпланган маълумотлар таҳлили асосида:
 - (i)** коррупцияга қарши курашиш бўйича манзилли ва натижага йўналтирилган давлат сиёсатини, шу жумладан, соҳага оид стратегиялар, методология ва стандартларни ишлаб чиқиши ва амалга оширилишини таъминлайди;
 - (ii)** коррупциявий омиллар ва хавф-хатарларни тизимлаштириш мезонларини ишлаб чиқади ва гуруҳларга ажратади;
 - (iii)** коррупциявий омиллар ва хавф-хатарларни бартараф қилиш механизмлари ва улар бўйича масъул ижрочиларни белгилаган ҳолда чора-тадбирлар дастурларини ишлаб чиқади;
- (б)** мамлакатда коррупция ҳолатини мониторинг қилади, коррупциявий омилларни аниқлаш бўйича манзилли таҳлиллар олиб боради;

(в) давлат органлари ва ташкилотларининг вазифаларидаги коррупциявий омиллар ҳамда тизимли муаммоларни аниқлаб, уларни рақамлаштириш ва бартараф қилиш бўйича Ўзбекистон Республикаси Президенти Администрациясига таклифлар киритиб боради;

(г) Коррупциянинг олдини олиш кластери иштирокчилари фаолиятини мувофиқлаштиради.

12. Коррупциянинг олдини олиш кластери иштирокчилари бўлган давлат органлари Коррупцияга қарши курашиш бўйича миллий кенгашга ҳар ярим йилда ўз фаолияти юзасидан ахборот киритиб борсин.

IV. Давлат бошқаруви соҳаси фаолиятини рақамлаштириш орқали коррупция хавф-хатарларни минималлаштириш

13. Қуйидаги имкониятларга эга “Рақамли комплаенс” ахборот дастурий комплекси (кейинги ўринларда – Дастурий комплекс) 2026 йил 1 июлдан бошлаб синов режимида ишга туширилсин:

(а) Коррупциянинг олдини олиш кластери иштирокчилари ўртасида тезкор маълумот алмашиш;

(б) давлат органлари ва ташкилотларининг ахборот тизимларини Дастурий комплекс билан интеграция қилиш орқали Агентлик фаолиятини ахборот жиҳатдан таъминлаш;

(в) Дастурий комплекснинг “E-Komplaens” модулини ишга тушириш орқали коррупцияга қарши ички назорат бўлинмалари фаолиятини тўлиқ рақамлаштириш;

(г) қуйидагиларни назарда тутувчи сунъий интеллект технологиялари:

(i) Дастурий комплекс ва бошқа ахборот ресурсларидаги маълумотлар таҳлили асосида коррупциявий хавфларни аниқлаш, уларнинг олдини олишга қаратилган ечимларни ишлаб чиқиш;

(ii) давлат харидларида оммавий офертага муносабат билдиришда аффилиланганлик ва манфаатлар тўқнашуви мавжудлигини аниқлаш ва иштирокчиларнинг иштирокини автоматик чеклаш.

14. Дастурий маҳсулотлар ва ахборот технологиялари технологик паркига
Дастурий комплексни жорий этиш бўйича ягона интегратор функцияси юклатилсин ва унинг асосий вазифалари этиб қуйидагилар белгилансин:

- (а)** Дастурий комплексни ишлаб чиқиш ва 2026 йил якунига қадар тўлиқ режимда ишга тушириш;
- (б)** Дастурий комплексни бошқа давлат органлари ва ташкилотлари ахборот тизимлари билан интеграциясини таъминлаш;
- (в)** Агентлик фаолиятида рақамлаштириш сиёсатини амалга ошириш ва стандартларни жорий этиш.

15. Рақамли технологиялар вазирлиги Рақамли технологияларни ривожлантириш жамғармаси маблағлари ҳисобидан **Дастурий комплекс** ишлаб чиқилишини таъминласин.

16. Белгилансинки, республика ва маҳаллий ижроия ҳокимияти органлари томонидан қабул қилинган ҳужжатларни “Е-qaror” электрон тизимида асоссиз равишда эълон қилмаслик, давлат ҳокимияти ва бошқарув органлари фаолиятининг очиқлиги тўғрисидаги қонунчиликни бузиш деб ҳисобланади ҳамда тегишли жавобгарликка тортишга асос бўлади.

17. Ушбу Фармон билан юклатилаётган янги вазифалардан келиб чиқиб:

- (а)** Агентликнинг мавжуд штат бирликлари доирасида коррупциявий хавф-хатар даражаси юқори бўлган маъмурий тартиб-таомилларни рақамлаштириш, шу жумладан, давлат харидлари соҳасида коррупцияга қарши автоматлаштирилган назорат тизимини жорий этишга масъул бўлган **“Хавф-таҳлил маркази”** ташкил этилсин;
- (б)** Хавф-таҳлил марказига маълумотлар базасидан ва ахборот тизимларидан реал вақт режимида фойдаланишга рухсат бериш, шунингдек, Агентликнинг электрон сўровига мувофиқ маълумотлар тақдим этиш чораларини кўрадиган давлат органлари ва ташкилотларининг рўйхати 3-иловага мувофиқ тасдиқлансин.

V. Агентлик ва коррупцияга қарши ички назорат бўлинмалари фаолиятини қўллаб-қувватлаш чоралари

18. Белгилансинки:

(а) Агентликка унга юклатилган вазифаларни тўлиқ, сифатли ва самарали амалга ошириш билан боғлиқ маълумотларни тўлиқ ёки қисман тақдим этмаслик ёхуд нотўғри маълумотларни тақдим этиш, зарур ахборот тизимларини интеграция қилишга асоссиз қаршилиқ кўрсатиш **Агентликнинг қонуний фаолиятига тўсқинлик қилиш** деб баҳоланади;

(б) давлат органлари ва ташкилотлари марказий аппаратининг коррупцияга қарши ички назорат бўлинмаларига тизим ташкилотларига қонунбузилиш ҳолатларини олдини олиш бўйича кўриб чиқилиши мажбурий бўлган кўрсатма ва уларни бартараф этиш юзасидан тақдимномалар киритиш ҳуқуқи берилади.

19. Коррупциявий ҳуқуқбузарликлар ҳақида хабар берган шахсларни меҳнат қонунчилигининг бузилиши, шу жумладан, меҳнат фаолиятида таъқиб, тазйиқ ҳолатларидан ҳимоя қилиш мақсадида, Агентлик томонидан ҳимоя ордерини тақдим этиш амалиёти жорий қилинади.

20. 2026 йилдан бошлаб ҳар йили Давлат бюджети параметрларида алоҳида модда билан Жамғарма маблағларини шакллантириш учун камида 10 млрд сўм маблағ ажратилиши назарда тутилсин. Бунда маблағларнинг 10 млрд сўмдан ошадиган қисми Агентликнинг асосланган ҳисоб-китобларига мувофиқ ажратилади.

VI. Ташкилий чора-тадбирлар

21. Ўзбекистон Республикаси Коррупцияга қарши курашиш агентлиги тўғрисида низом 4-иловага мувофиқ тасдиқлансин.

22. Коррупциянинг олдини олиш ва унга қарши курашишга муносиб ҳисса қўшган давлат органлари ва ташкилотлари ходимлари, фуқаролик жамияти институтлари вакиллари ҳамда фаол фуқароларни рағбатлантириш мақсадида **“Коррупцияга қарши курашишга қўшган ҳиссаси учун” кўкрак нишони** таъсис этилсин.

Агентлик ҳар йили 9 декабрь – Халқаро коррупцияга қарши курашиш кўни арафасида “Коррупцияга қарши курашишга қўшган ҳиссаси учун” кўкрак нишони билан тақдирлашни йўлга қўйсин.

23. Агентлик уч ой муддатда Агентлик гералдик белгиси – эмблемаси намунаси ва тавсифи ҳамда ундан фойдаланиш тартибини тасдиқласин.

VII. Фармон ижросини ташкил этиш, таъминлаш ва назорат

24. Ўзбекистон Республикаси Президентининг айрим ҳужжатларига 5-иловага мувофиқ ўзгартиш ва қўшимчалар киритилсин.

25. Мазкур Фармоннинг ижросини самарали ташкил қилишга масъул ва шахсий жавобгар этиб Коррупцияга қарши курашиш агентлиги директори А.Э. Бурханов белгилансин.

26. Фармон ижроси учун масъул идоралар фаолиятини мувофиқлаштириш ва назорат қилиш Ўзбекистон Республикаси Президенти Администрацияси Комплаенс хизмати бошлиғи Э.Т. Юлдашев зиммасига юклансин.

**Ўзбекистон Республикаси
Президенти**



Ш. Мирзиёев

Тошкент шаҳри

Коррупциянинг олдини олиш ва унга қарши курашиш соҳасидаги давлат сиёсатини
амалга оширишни сифат жиҳатидан янги босқичга кўтаришга қаратилган
ЧОРА-ТАДБИРЛАР РЕЖАСИ

Т/р	Чора-тадбирлар номи	Амалга ошириш механизми	Ижро муддати	Молиялаштириш манбаи	Масъул ижрочилар
1.	Коррупцияга қарши курашиш бўйича Миллий сертификатлаштириш менежмент тизимини жорий этиш.	1. Коррупцияга қарши курашиш бўйича Миллий сертификатлаштириш менежмент тизимини ишлаб чиқиш ва тасдиқлаш чораларини кўриш. 2. Коррупцияга қарши курашиш бўйича Миллий сертификатлаштириш тартиби тўғрисидаги идоравий норматив-ҳуқуқий ҳужжат лойиҳасини ишлаб чиқиш ва тасдиқлаш. Бунда қуйидагилар назарда тутилади: (а) давлат органлари ва ташкилотларида коррупцияга қарши курашиш фаолиятини баҳолаш ва сертификатлаш тартиби; (б) сертификатнинг амал қилишини тўхтатиб туриш ва бекор қилиш асослари ҳамда тартиби; (в) белгиланган муддатларда сертификат олинмаганлиги, сертификат амал қилиши тўхтатиб турилганлиги ва бекор қилинганлиги оқибатида давлат органлари ёки ташкилотлари раҳбарига тизим жорий этилгунга қадар бўлган муддатда барча рағбатлантириш тўловларини тўхтатиб туриш тартиби.	2026 йил апрель	Ижрочилар маблағлари	Коррупцияга қарши курашиш агентлиги, Ўзбекистон техник жиҳатдан тартибга солиш агентлиги, Иқтисодиёт ва молия вазирлиги
2.	Коррупцияни олдини олишнинг яхлит тизимини самарали ташкил этиш.	1. Коррупцияни олдини олиш кластери иштирокчиларининг ўзаро ҳамкорлик тартибини белгиловчи қўшма қарор лойиҳасини ишлаб чиқиш ва тасдиқлаш.	2026 йил март	Талаб этилмайди	Коррупцияга қарши курашиш агентлиги, Бош прокуратура, Ҳисоб палатаси,

		2. Мониторинг қилиш ва маълумотларни тақдим этишни таъминловчи ягона электрон платформани ишга тушириш.	2026 йил июнь	Ижрочилар маблағлари	манфаатдор вазирлик ва идоралар
3.	“E-qaror” тизимида қабул қилинадиган ҳужжатларни эълон қилишда очиқликка оид қонунчиликка риоя этилиши устидан назорат қилишни такомиллаштириш.	Агентликка Маҳаллий ижро этувчи ҳокимият органларининг қарорларини ишлаб чиқиш, келишиш ва рўйхатдан ўтказишнинг ягона электрон – “E-qaror” тизимида қабул қилинадиган ҳужжатлар билан тўсиқсиз танишиш ва мониторинг олиб бориш имкониятини яратиш.	2026 йил январь	Талаб этилмайди	Адлия вазирлиги, Коррупцияга қарши курашиш агентлиги
4.	Давлат органлари ва ташкилотларидаги коррупцияга қарши ички назорат бўлинмаларининг фаолиятини Агентлик билан узвий ҳамкорликда ташкил этиш чораларини кўриш.	Қўйидагиларни назарда тутувчи норматив-ҳуқуқий ҳужжат лойиҳасини ишлаб чиқиш ва белгиланган тартибда Вазирлар Маҳкамасига киритиш: (а) коррупцияга қарши ички назорат бўлинмалари ўз зиммасига юклатилган вазифалар ва функцияларни амалга оширишда Агентликка бўйсунishi ва унинг олдида ҳисобдор бўлиши; (б) коррупцияга қарши ички назорат бўлинмалари ходимлари зиммасига ўларнинг вазифалари ва функцияларидан келиб чиқмайдиган топшириқлар юклатилишига йўл қўйилмаслиги; (в) коррупцияга қарши ички назорат бўлинмаларининг раҳбар ва ходимлари фаолиятига нисбатан самарадорлик кўрсаткичлари (KPI) қўлланилмаслиги; (г) самарадорлик кўрсаткичларидан (KPI) келиб чиқувчи ўстамалар тегишли лавозим учун назарда тутилган максимал миқдорда татбиқ этилиши, ўстамалар миқдорини пасайтириш масаласи Агентлик розилиги билан ҳал этилиши; (д) коррупцияга қарши ички назорат бўлинмаларининг ходимларини интизомий	2026 йил март	Талаб этилмайди	Коррупцияга қарши курашиш агентлиги

		жавобгарликка тортиш Агентлик билан келишилган ҳолда амалга оширилиши; (ж) коррупцияга қарши ички назорат бўлинмалари ходимлари давлат органлари ва ташкилотларининг ўз маблағлари ҳисобидан Агентлик томонидан тасдиқланадиган режа-жадвалга асосан махсус ўқув курсларида ўқитилиши.			
5.	“Рақамли комплаенс” ахборот дастурий комплексини ишга тушириш.	Қўйидагиларни назарда тутувчи “Рақамли комплаенс” ахборот дастурий комплексини ишга тушириш: (а) Коррупцияга қарши курашиш кластери иштирокчилари ўртасида тезкор маълумот алмашиш; (б) давлат органлари ва ташкилотларининг ахборот тизимларини “Рақамли комплаенс” ахборот дастурий комплекси билан интеграция қилиш орқали Агентлик фаолиятини ахборот жиҳатидан таъминлаш; (в) “Рақамли комплаенс” ахборот дастурий комплексининг “E-Komplaens” модулини ишга тушириш орқали коррупцияга қарши ички назорат бўлинмаларини тўлиқ рақамлаштириш; (г) коррупцияни олдини олиш фаолиятига қўйидаги имкониятларга эга сунъий интеллект технологияларини жорий этиш; (и) “Рақамли комплаенс” ахборот дастурий комплекси ва бошқа ахборот ресурсларидаги маълумотларнинг тизимли таҳлили асосида коррупциявий хавфларни аниқлаш, коррупциянинг олдини олишга қаратилган ечимларни ишлаб чиқиш; (ii) давлат харидларида оммавий офертага муносабат билдиришда аффилиланганлик ва манфаатлар тўқнашуви мавжудлигини аниқлаш ва иштирокчиларнинг иштирокини автоматик чеклаш.	2026 йил июнь	Рақамли технологияларни ривожлантириш жамғармаси маблағлари	Коррупцияга қарши курашиш агентлиги, “UZINFOCOM” МЧЖ, манфаатдор вазирлик ва идоралар

6.	Халқаро молия институтлари ва хорижий ҳукумат молия ташкилотлари маблағлари ҳисобидан молиялаштириладиган лойиҳаларни амалга оширишда коррупция хавф-хатарларининг олдини олиш.	Қуйидагиларни назарда тутувчи норматив-ҳуқуқий ҳужжат лойиҳасини ишлаб чиқиш: (а) баҳолаш гуруҳларининг, шў жўмладан, баҳолаш жараёни давомидаги ҳисоботларни ҳамда шартномаларни тузиш тўғрисидаги қарорларни қонунчилик талабларига риоя этилганлиги ва иштирокчилар томонидан тақдим этилган ҳужжатларда ишончсизлик ёки сохталик белгилари мавжудлиги нуқтаи назаридан Агентлик томонидан текшириш; (б) қонўнбузилиш ҳолатлари ёки қалбакилаштириш белгилари аниқланганда, тегишли вазирлик ва идораларга тендер жараёни ёки шартномани амалга ошириш (молиялаштириш)ни тўхтатиб туриш ҳақида Агентлик томонидан тақдимнома киритиш; (в) тендер жараёнини давом эттириш тўғрисидаги қарорларни Вазирлар Маҳкамасининг қарорига мувофиқ қабул қилиш.	2026 йил апрель	Талаб этилмайди	Коррупцияга қарши курашиш агентлиги, Иқтисодиёт ва молия вазирлиги, Бош прокуратура
7.	Коррупцияга оид ҳуқуқбузарлик ҳақида хабар берган ёки коррупцияга қарши курашишга бошқа тарзда кўмаклашган шахсларни рағбатлантириш тартибини такомиллаштириш.	Қуйидагиларни назарда тутувчи норматив-ҳуқуқий ҳужжат лойиҳасини ишлаб чиқиш: (а) Жанўбий Кореянинг "Clean Portal" ("Шэффоп портал") платформасининг тажрибаси асосида "E-Anticor.uz" дастурини такомиллаштириш орқали коррупция билан боғлиқ ҳуқуқбузарлик ҳақида хабар берган ёки коррупцияга қарши курашишга бошқа тарзда кўмаклашган шахсларни рағбатлантириш тизимини рақамлаштириш; (б) Агентликни рағбатлантириш масалаларини мувофиқлаштириш бўйича ваколатли орган сифатида белгилаш; (в) рағбатлантириш тизимини Жамоатчилик назоратини ривожлантириш жамғармаси орқали ташкил этиш.	2026 йил июнь	Давлат бюджети маблағлари	Коррупцияга қарши курашиш агентлиги, Рақамли технологиялар вазирлиги, Бош прокуратура, Ички ишлар вазирлиги, Давлат хавфсизлик хизмати, Иқтисодиёт ва молия вазирлиги

8.	Коррупцияга қарши курашиш агентлигининг тақдимномаларини кўриб чиқмаганлик учун маъмурий жавобгарлик чораларини белгилаш.	1. Агентликнинг тақдимномаларини кўриб чиқмаганлик, шу жумладан, ўз вақтида ёки тўлиқ кўриб чиқмаганлик учун маъмурий жавобгарлик белгилашни назарда тутувчи қонун лойиҳасини ишлаб чиқиш. 2. Қонун лойиҳасини манфаатдор вазирлик ва идоралар билан келишиш. 3. Қонун лойиҳасини кўриб чиқиш учун Ўзбекистон Республикаси Президенти Администрациясига киритиш.	2026 йил март	Талаб этилмайди	Коррупцияга қарши курашиш агентлиги
9.	Коррупцияга қарши ички назорат бўлинмаларининг суд ва ҳуқуқни муҳофаза қилувчи органлар билан ҳамкорлик қилиш, шунингдек, коррупция билан боғлиқ ҳуқуқбузарликлар ҳақида хабар беришнинг ички каналларини юритиш тартибини белгилаш.	Коррупцияга қарши ички назорат бўлинмаларининг суд ва ҳуқуқни муҳофаза қилувчи органлар билан ҳамкорлик қилиш, шунингдек, коррупция билан боғлиқ ҳуқуқбузарликлар ҳақида хабар беришнинг ички каналларини юритиш тартибини белгиловчи идоравий норматив-ҳуқуқий ҳужжат лойиҳасини қабул қилиш ва давлат рўйхатидан ўтказиш.	2026 йил апрель	Талаб этилмайди	Коррупцияга қарши курашиш агентлиги, Бош прокуратура, Давлат хавфсизлик хизмати, Олий суд, Ички ишлар вазирлиги, Адлия вазирлиги
10.	Давлат органида меҳнат шартномаси тугатилган ёки хизматдан бўшатишган ходимни икки йил ичида ўзи бевосита ёки билвосита назоратни амалга оширган ташкилотларга ишга қабул қилишда коррупцияга қарши ички назорат тузилмасидан хулоса олишнинг мезонларини белгилаш.	Қўйидагиларни назарда тутувчи идоравий норматив-ҳуқуқий ҳужжат лойиҳасини қабул қилиш ва давлат рўйхатидан ўтказиш: (а) коррупцияга қарши ички назорат тузилмаси томонидан хулоса бериш асослари ва тартиби; (б) хулосанинг намунавий шакли; (в) хулоса натижаси бўйича кўриладиган чора-тадбирлар; (г) хулоса бўйича шикоят бериш тартиби.	2026 йил май	Талаб этилмайди	Коррупцияга қарши курашиш агентлиги, Ҳисоб палатаси, Адлия вазирлиги
11.	Коррупцияга қарши ички назорат бўлинмаларининг манфаатлар тўқнашувини олдини олишдаги ваколатларини кенгайтириш.	Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари коррупцияга қарши ички назорат бўлинмаларига манфаатлар тўқнашуви тўғрисидаги қонунчилик талабларини бажармаганлик учун маъмурий баённома	2026 йил март	Талаб этилмайди	Коррупцияга қарши курашиш агентлиги, Қорақалпоғистон Республикаси Вазирлар Кенгаши, вилоятлар ва

		расмийлаштириш ваколатини бериш бўйича Ўзбекистон Республикасининг "Маъмурий жавобгарлик тўғрисидаги кодексига ўзгартиш ва қўшимчалар киритиш тўғрисида"ги қонун лойиҳасини ишлаб чиқиш ва Вазирлар Маҳкамасига киритиш.			Тошкент шаҳар ҳокимликлари
12.	Коррупциявий ҳуқуқбузарликлар ҳақида хабар берган шахсларни ҳимоя қилиш тартибини такомиллаштириш.	Коррупциявий ҳуқуқбузарликлар ҳақида хабар берган шахсларга қонунга хилоф таъқиб, тазйиқ ва меҳнат қонунчилигининг бошқача тартибда бузилиши ҳолатларидан ҳимоя қилишни назарда tutuvchi норматив-ҳуқуқий ҳужжат лойиҳасини ишлаб чиқиш ва Вазирлар Маҳкамасига киритиш. Бунда коррупциявий ҳуқуқбузарликлар ҳақида хабар берган шахсларга қонунга хилоф таъқиб, тазйиқ, шунингдек, ноқонуний интизомий жавобгарлик чораларини қўллаш, ишдан бўшатиш каби ҳолатлардан ҳимоя ордери бериш ва бошқа шаклдаги ҳимоя чоралари назарда тутилади.	2026 йил май	Талаб этилмайди	Коррупцияга қарши курашиш агентлиги, Бош прокуратура, Адлия вазирлиги
13.	Инвестиция лойиҳалари доирасида ажратиладиган маблағларнинг мақсадли ишлатилиши жараёнида очиқлик ва ошкораликни таъминлаш.	Ижтимоий соҳани ривожлантиришга қаратилган инвестиция лойиҳаларини амалга оширишда маблағлар сарфланишида очиқликни таъминлаш механизми сифатида маҳалла ва жамоатчилик фаоллари иштирокида Ташаббускор гуруҳларни шакллантириш амалиётини жорий этиш.	2026 йилдан бошлаб	Талаб этилмайди	Инвестициялар, саноат ва савдо вазирлиги, Иқтисодиёт ва молия вазирлиги, Коррупцияга қарши курашиш агентлиги, манфаатдор вазирлик ва идоралар
14.	Коррупцияга қарши курашиш ҳудудий кенгашлари фаолиятини такомиллаштириш.	Коррупцияга қарши курашиш ҳудудий кенгашлари ишини юритиш учун Қорақалпоғистон Республикаси Жўқорғи Кенгеси, вилоятлар ва Тошкент шаҳар халқ депутатлари Кенгашлари котибиятларига мавжуд штатлар доирасида бир нафардан ходим (жами 14 нафар) ажратиш.	2026 йил май	Талаб этилмайди	Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари, Коррупцияга қарши курашиш агентлиги

15.	2025–2027 йилларда давлат харидлари тизимини такомиллаштириш ва ривожлантириш стратегияси доирасида манзилли чораларни кўриш.	1. Давлат харидлари устидан назорат қилувчи идораларнинг функцияларини ва ваколат доирасини аниқ белгилаш. 2. Ягона ахборот тизимида харид қатнашчилари таклифларини баҳолаш ҳамда давлат харидлари устидан назорат қилишда сунъий интеллект технологияларидан фойдаланишни жорий қилиш. 3. Давлат харидлари устидан назорат қилиш жараёнларини мувофиқлаштириш учун аниқланган қонунбузилиш ҳолатлари бўйича маълумот алмашинувини автоматлаштириш ва натижаларни ягона реестрда қайд этиш.	2026 йил декабрь	Талаб этилмайди	Иқтисодиёт ва молия вазирлиги, Ҳисоб палатаси, Бош прокуратура, Коррупцияга қарши курашиш агентлиги, Рақобатни ривожлантириш ва истеъмолчилар ҳуқуқларини ҳимоя қилиш қўмитаси
16.	“Коррупцияга қарши курашишга қўшган ҳиссаси учун” кўкрак нишонини таъсис этиш.	“Коррупцияга қарши курашишга қўшган ҳиссаси учун” кўкрак нишони тўғрисидаги низомни тасдиқлашни назарда tutувчи идоравий ҳужжат лойиҳасини ишлаб чиқиш.	2026 йил март	Ижрочилар маблағлари	Коррупцияга қарши курашиш агентлиги, Бош прокуратура, Ички ишлар вазирлиги
17.	Коррупцияга қарши курашиш халқаро академияси (IACA)га қўшилиш.	Коррупцияга қарши курашиш халқаро академияси (IACA)га Ўзбекистон Республикасининг қўшилиши чораларини кўриш.	2026 йил август	Талаб этилмайди	Коррупцияга қарши курашиш агентлиги, Ташқи ишлар вазирлиги
18.	БМТ Коррупцияга қарши конвенцияси, халқаро ташкилотлар томонидан Ўзбекистонга билдирилган тавсиялар ҳамда бошқа халқаро стандартларнинг бажарилишини мониторинг қилиш бўйича электрон платформани ишга тушириш.	Электрон платформа доирасида: БМТ Коррупцияга қарши конвенцияси талаблари бажарилишини мониторинг қилиш имкониятини яратиш; халқаро ташкилотлар томонидан Ўзбекистонга берилган тавсиялар, ҳисоботлар ва бошқа маълумотларни жойлаштириш; фуқаролик жамияти институтлари ҳамда кенг жамоатчилик томонидан тайёрланган Ўзбекистон бўйича мониторинг ҳисоботларини платформага жойлаштириш имкониятини яратиш; платформани маълумотлар билан тўлдириш юзасидан идоралараро ишчи гуруҳини шакллантириш;	2026 йил июнь	Ижрочилар маблағлари, халқаро молия институтларининг грант маблағлари	Коррупцияга қарши курашиш агентлиги, Рақамли технологиялар вазирлиги

		маълумотларни доимий янгиллаб бориш механизмларини ишлаб чиқиш.			
19.	Жамоатчилик назоратини ривожлантириш жамғармаси маблағларини шакллантиришнинг манбаларини кенгайтириш.	Жамоатчилик назоратини ривожлантириш жамғармаси маблағларини шакллантириш манбаларини, шў жўмладан, Агентлик ташаббўси билан ҳўқўқни мўҳўфаза қилувчи идораларга юборилган материаллар асосида ўндириладиган маблағлар, шўнингдек Агентлик томонидан тўзилган маўмўрий ҳўқўқбузарлик тўғрисидаги баённомалар асосида ўндириладиган маўмўрий жарималар ҳисобидан кенгайтиришни назарда тўтўвчи норматив-ҳўқўқий ҳўжжат лойиҳасини ишлаб чиқиш ва Вазирлар Маҳкамасига киритиш.	2026 йил апрель	Талаб этилмайди	Коррупцияга қарши курашиш агентлиги, Иқтисодиёт ва молия вазирлиги
20.	Агентлик ходимларининг малакаси, билими ва кўникмаларини баҳўлаш орқали лавозимига мувофиқлигини аниқлаш ҳамда ходимлар таркибини қайта шакллантириш бўйича тегишли қарорлар қабул қилиш.	Ташкилий чора-тадбирларни амалга ошириш.	2026 январь- март	Талаб этилмайди	Коррупцияга қарши курашиш агентлиги

Ўзбекистон Республикаси Президентининг
2025 йил 30 декабрдаги ПФ–270-сон Фармонига
2-илова

**Коррупциянинг олдини олиш кластери доирасида
фаолият юритадиган илмий муассасалар**

РЎЙХАТИ

1. Ўзбекистон Республикаси Ҳуқуқни муҳофаза қилиш академияси
2. Тошкент давлат юридик университети
3. Ўзбекистон Республикаси Адлия вазирлиги ҳузуридаги Юридик кадрларни қайта тайёрлаш ва малакасини ошириш институти
4. Ўзбекистон Республикаси Криминология тадқиқот институти

Ўзбекистон Республикаси Президентининг
2025 йил 30 декабрдаги ПФ–270-сон Фармонига
3-илова

**Хавф-таҳлил марказига маълумотлар базасидан ва ахборот
тизимларидан реал вақт режимида фойдаланишга рухсат бериш,
шунингдек, Агентликнинг электрон сўровига мувофиқ маълумотлар
тақдим этиш чораларини кўрадиган давлат органлари
ва ташкилотларининг
РЎЙХАТИ**

**I. Хавф-таҳлил маркази томонидан маълумотлар базасидан ва ахборот
тизимларидан реал вақт режимида фойдаланиш рухсат этиладиган
ташкилотлар:**

1. Ҳисоб палатаси
2. Бошқарув самарадорлиги агентлиги
3. Иқтисодиёт ва молия вазирлиги
4. Инвестициялар, саноат ва савдо вазирлиги
5. Камбағалликни қисқартириш ва бандлик вазирлиги
6. Қишлоқ хўжалиги вазирлиги ҳамда унинг тизим ташкилотлари
7. Сув хўжалиги вазирлиги ҳамда унинг тизим ташкилотлари
8. Қурилиш ва уй-жой коммунал хўжалиги вазирлиги
9. Экология ва иқлим ўзгариши миллий қўмитаси ҳамда унинг тизим ташкилотлари
10. Транспорт вазирлиги
11. Энергетика вазирлиги
12. Тоғ-кон саноати ва геология вазирлиги
13. Рақамли технологиялар вазирлиги
14. Соғлиқни сақлаш вазирлиги
15. Мактабгача ва мактаб таълими вазирлиги
16. Олий таълим, фан ва инновациялар вазирлиги
17. Спорт вазирлиги
18. Маданият вазирлиги
19. Адлия вазирлиги

20. Рақобатни ривожлантириш ва истеъмолчилар ҳуқуқларини ҳимоя қилиш қўмитаси
21. Давлат активларини бошқариш агентлиги
22. Ёшлар ишлари агентлиги
23. Ўзбекистон техник жиҳатдан тартибга солиш агентлиги
24. Энергетика бозорини ривожлантириш ва тартибга солиш агентлиги
25. Электр энергияси, нефть маҳсулотлари ва газдан фойдаланишни назорат қилиш инспекцияси
26. Миграция агентлиги
27. Агросаноат мажмуи устидан назорат қилиш инспекцияси
28. Солиқ қўмитаси
29. Энергия самарадорлиги миллий агентлиги
30. Қурилиш ва уй-жой коммунал хўжалиги соҳасида назорат қилиш инспекцияси
31. Енгил саноатни ривожлантириш агентлиги
32. Ички ишлар вазирлиги
33. Божхона қўмитаси
34. Ҳазначилик хизмати қўмитаси
35. Миллий статистика қўмитаси
36. Кадастр агентлиги
37. Иқтисодий жиноятларга қарши курашиш департаменти
38. Мажбурий ижро бюроси

II. Хавф-таҳлил марказининг электрон сўровига мувофиқ маълумотлар базаси билан ўзаро ахборот алмашувини йўлга қўядиган ташкилотлар:

39. Марказий банк (оффлайн шаклда маълумот тақдим этилади)
40. Барча тижорат банклари (оффлайн шаклда маълумот тақдим этилади)
41. "Навоий КМК" АЖ
42. "Олмалиқ КМК" АЖ

43. "Ўзбекнефтегаз" АЖ
44. "Ўзтрансгаз" АЖ
45. "Худудгазтаъминот" АЖ
46. "UzGasTrade" АЖ
47. "Муборакнефтегазмонтаж" АЖ
48. "Бухоро НҚИЗ" МЧЖ
49. "Худудий электр тармоқлари" АЖ
50. "Рақамли трансформация маркази" МЧЖ
51. "Ўзбекистон миллий электр тармоқлари" АЖ
52. "Иссиқлик электр станциялари" АЖ
53. "Ангрен ИЭС" АЖ
54. "Янги Ангрен ИЭС" АЖ
55. "Навоийуран" ДК
56. "Навоий КМК" жамғармасы" ДМ
57. "Ўзбекистон республика товар-хон ашё биржаси" АЖ
58. "Ўзбекистон республика валюта биржаси" АЖ
59. "Республика кўп тармоқли агросаноат биржаси" АЖ
60. "Тошкент" республика фонд биржаси" АЖ
61. "Электрон онлайн-аукционларни ташкил этиш маркази" АЖ
62. "Қимматли қоғозлар марказий депозитарийси" ДУК
63. "Ўзбекистон темир йўллари" АЖ
64. "Uzbekistan airways" АЖ
65. "Uzbekistan airports" АЖ
66. "Ўзавтосаноат" АЖ
67. "Ўзкимёсаноат" АЖ
68. "Навоийазот" АЖ
69. "Фарғонаазот" АЖ
70. "Ўздонмахсулот" АК
71. "Ўзбектелеком" АК
72. "Ўзметкомбинат" АЖ

73. “Ўзбекгидроэнерго” АЖ
74. “Ўзагросервис” АЖ
75. “Ўзагролизинг” АЖ
76. “Ўзагросуғурта” АЖ
77. “Ўзбекинвест” ЭИСК” АЖ
78. “Ўзсувтаъминот” АЖ
79. “Тошшаҳартрансхизмат” АЖ
80. Ўзбекистон Республикасининг консолидациялашган бюджети таркибига кирадиган давлат мақсадли жамғармалари
81. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари
82. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари ҳузуридаги “Ягона буюртмачи хизмати” инжиниринг компаниялари

Изоҳлар:

мазкур рўйхатдаги вазирлик, идора ва ташкилотларда янги маълумотлар базаси ёки дастурий таъминот ишлаб чиқилиб амалиётга жорий этилганда, Хавф-таҳлил марказининг сўровига кўра янги маълумотлар базаси ва дастурий таъминотлар Хавф-таҳлил марказига тақдим этилади ҳамда интеграция қилинади;

вазирлик, идора ва ташкилотларнинг реал вақт режимида маълумотлар базасидан фойдаланишга рухсат дастурий комплекс функцияларига ва маълумотлар базаси таркибига аралашуш ҳуқуқисиз берилади;

Хавф-таҳлил марказининг сўровига кўра ҳамда қонунчилик ҳужжатларида белгиланган ваколатлар ва вазифалар доирасида вазирлик, идора ва ташкилотлар билан маълумотлар алмашиш амалга оширилади;

Иқтисодиёт ва молия вазирлиги Хавф-таҳлил марказига давлат харидларининг электрон тизими операторларининг маълумотлар базасидан реал вақт режимида фойдаланиш имконияти яратилишини таъминлайди.

Мазкур рўйхатга Ўзбекистон Республикаси Президенти Администрацияси раҳбари билан келишилган ҳолда Коррупцияга қарши курашиш агентлиги томонидан ўзгартириш ва қўшимчалар киритилиши мумкин.

Ўзбекистон Республикаси Президентининг
2025 йил 30 декабрдаги ПФ–270-сон Фармонига
4-илова

**Ўзбекистон Республикаси Коррупцияга қарши
курашиш агентлиги тўғрисида
НИЗОМ**

1. Умумий қоидалар

1. Ушбу Низом Ўзбекистон Республикаси Коррупцияга қарши курашиш агентлигининг (кейинги ўринларда – Агентлик) мақоми, асосий вазифалари, функциялари, ҳуқуқ ва мажбуриятлари, фаолиятининг ташкилий асосларини белгилаб беради.
2. Агентлик коррупциянинг олдини олиш ва унга қарши курашиш соҳасида масъул бўлган махсус ваколатли миллий даражадаги давлат органи ҳисобланади.
3. Агентлик ўз фаолиятини қонунийлик, холислик, ҳисобдорлик, очиқлик ва шаффофлик принциплари асосида бошқа давлат органлари, ташкилотлар ва уларнинг мансабдор шахсларидан мустақил равишда амалга оширади.
4. Агентлик Ўзбекистон Республикаси Президентига бўйсунди ва Ўзбекистон Республикаси Олий Мажлиси палаталари олдида ҳисобдордир.
5. Агентлик ўз фаолиятида Ўзбекистон Республикаси Конституцияси ва қонунларига, Ўзбекистон Республикаси Олий Мажлиси палаталарининг қарорлари, Ўзбекистон Республикаси Президентининг фармон, қарор ва фармойишларига, ушбу Низомга ва бошқа қонунчилик ҳужжатларига амал қилади.

- 6.** Агентликнинг ўз ваколатлари доирасида қабул қилган қарор ва буйруқлари барча давлат органлари ва ташкилотлари, устав фондида (устав капиталида) давлат улуши 50 фоиз ва ундан ортиқ бўлган хўжалик жамиятлари, уларнинг мансабдор шахслари, шунингдек, юридик ва жисмоний шахслар томонидан бажарилиши мажбурий ҳисобланади.
- 7.** Агентлик юридик шахс ҳисобланади, Ўзбекистон Республикаси Давлат герби тасвири туширилган ва ўз номи ёзилган муҳрга ва бланкларга, мустақил балансга, Ўзбекистон Республикаси Иқтисодиёт ва молия вазирлиги ҳузуридаги ғазначилик хизмати қўмитасида шахсий ғазна ҳисобварақларига, банк ҳисобварақларига, шу жумладан, чет эл валютасидаги банк ҳисобварақларига эга бўлади.
- 8.** Агентликнинг расмий номланиши:
- (а)** давлат тилида тўлиқ номи – Ўзбекистон Республикаси Коррупцияга қарши курашиш агентлиги, қисқартирилган номи – Коррупцияга қарши курашиш агентлиги;
 - (б)** инглиз тилида тўлиқ номи – The Anti-corruption agency of the Republic of Uzbekistan, қисқартирилган номи – Anti-corruption agency;
 - (в)** рус тилида тўлиқ номи – Агентство по противодействию коррупции Республики Узбекистан, қисқартирилган номи – Агентство по противодействию коррупции.
- 9.** Агентликнинг жойлашган манзили (почта манзили): 100070, Тошкент шаҳри Ш.Руставели кўчаси 8А-уй.

2. Агентликнинг асосий вазифалари ва функциялари

- 10.** Қуйидагилар Агентликнинг асосий вазифалари ҳисобланади:

- (а)** коррупциянинг олдини олиш ва унга қарши курашиш соҳасида давлат сиёсатини шакллантириш ва амалга ошириш;

- (б)** мамлакатда коррупция ҳолатини тизимли таҳлил қилиш, коррупциянинг олдини олиш ва унга қарши курашиш тизимини такомиллаштириш бўйича таклифлар ишлаб чиқиш;
- (в)** давлат органлари ва ташкилотларининг коррупциянинг олдини олиш ва унга қарши курашиш соҳасидаги фаолиятини мувофиқлаштириш;
- (г)** давлат органлари ва ташкилотларида коррупциянинг олдини олиш ва унга қарши курашишнинг замонавий ва таъсирчан воситаларини жорий этиш;
- (д)** норматив-ҳуқуқий ҳужжатларнинг коррупцияга қарши экспертизаси самарадорлигини таъминлаш;
- (ж)** коррупциянинг олдини олиш ва унга қарши курашиш бўйича аҳолининг ҳуқуқий онги ва ҳуқуқий маданиятини оширишга қаратилган комплекс дастурларни ишлаб чиқиш ва амалга ошириш;
- (з)** давлат хизматчиларининг даромад ва мол-мўлкини декларация қилиш тизими жорий этилиши ва самарали ишлашини ташкил этиш;
- (и)** давлат хизматига ҳалоллик стандарти ҳамда манфаатлар тўқнашувини олдини олиш ва ҳал этиш стандартларини жорий этишга кўмаклашиш, шунингдек, уларга риоя этилиши устидан назоратни амалга ошириш;
- (к)** давлат органлари ва ташкилотлари фаолиятининг очиклигини таъминлаш соҳасини мувофиқлаштириш ва доимий мониторинг қилиш;
- (л)** Ўзбекистон Республикасининг коррупцияга қарши курашиш бўйича миллий кенгаши ва унинг ҳудудий кенгашлари фаолиятини самарали ташкил этиш;
- (м)** коррупциянинг олдини олиш ва унга қарши курашиш соҳасида халқаро ҳамкорликни ривожлантириш.

11. Агентлик ўз зиммасига юкланган вазифаларга мувофиқ қуйидаги функцияларни амалга оширади:

(а) коррупциянинг олдини олиш ва унга қарши курашиш соҳасида давлат сиёсатини шакллантириш ва амалга ошириш соҳасида:

(i) илғор тажрибаларни ҳисобга олган ҳолда коррупциянинг олдини олиш ва унга қарши курашиш соҳасидаги давлат сиёсатининг ўстувор йўналишларини ишлаб чиқади;

(ii) коррупцияга қарши курашиш бўйича стратегия ва давлат дастурларини, шунингдек, ҳудудий ва тармоқ дастурларини ишлаб чиқади, амалга оширишни ташкил этади ва ижросини мониторинг қилиб боради;

(iii) коррупциянинг олдини олиш ва унга қарши курашиш бўйича норматив-ҳуқуқий ҳужжатлар ва бошқа ҳужжатларнинг лойиҳаларини ишлаб чиқади ҳамда уларни белгиланган тартибда кўриб чиқиш учун ваколатли органларга киритади;

(iv) ҳар йили оммавий ахборот воситалари орқали эълон қилиниши лозим бўлган Ўзбекистон Республикасида коррупцияга қарши курашиш тўғрисида миллий маърузани тайёрлайди ҳамда уни кўриб чиқиш учун Ўзбекистон Республикаси Президенти ва Ўзбекистон Республикаси Олий Мажлиси палаталарига киритади;

(v) халқаро стандартларни ва илғор хорижий амалиётни жорий этиш бўйича таклифларни ишлаб чиқади ҳамда амалга оширади;

(vi) коррупциянинг олдини олиш ва унга қарши курашиш самарадорлигини ошириш, қонунчиликни такомиллаштириш бўйича таклифлар ишлаб чиқади;

(б) мамлакатда коррупция ҳолатини тизимли таҳлил қилиш, коррупциянинг олдини олиш ва унга қарши курашиш тизимини такомиллаштириш бўйича таклифлар ишлаб чиқиш соҳасида:

- (i) коррупцияга оид хавф-хатарлар юқори бўлган соҳаларни, коррупцияга оид ҳуқуқбузарликлар содир этилишининг сабаб ва шарт-шароитларини аниқлаш бўйича ўрганишлар ўтказди, шў жумладан, социологик, илмий ва бошқа тадқиқотлар ўтказилишини ташкиллаштиради;
 - (ii) коррупция ҳолатини ўрганиш бўйича тадбиркорлар ва аҳоли ўртасида сўровлар, шў жумладан, аноним сўровлар ўтказди;
 - (iii) коррупцияга оид ҳуқуқбузарликлар содир этилишининг сабаб ва шарт-шароитларини бартараф этиш ҳамда коррупцияга қарши курашиш чора-тадбирлар самарадорлигини ошириш бўйича амалий чора-тадбирлар ишлаб чиқади ва амалга оширилишини таъминлайди;
- (в) давлат органлари ва ташкилотларининг коррупциянинг олдини олиш ва унга қарши курашиш соҳасидаги фаолиятини мувофиқлаштириш соҳасида:**
- (i) коррупцияга қарши курашиш бўйича идоралараро ҳамкорлик механизмларини шакллантиради ва амалга оширилишини таъминлайди;
 - (ii) давлат органлари ва ташкилотлари томонидан коррупциянинг олдини олиш ва унга қарши курашиш билан боғлиқ вазифалар ижро қилинмаган тақдирда уларнинг мансабдор шахсларини жавобгарликка тортиш бўйича Ўзбекистон Республикаси Президенти Администрацияси ва Вазирлар Маҳкамасига таклифлар киритади;
 - (iii) давлат органлари ва ташкилотларида коррупцияга қарши ички назорат тизими (“комплаенс-назорат”) жорий этилиши ва самарали фаолият юритишини ташкил этади;

- (iv) давлат органлари ва ташкилотларининг коррупцияга қарши ички назорат бўлинмалари фаолиятини мувофиқлаштиради ва услубий жиҳатдан таъминлайди, ушбу бўлинма ходимларини стажировкага юбориш ва аттестациядан ўтказиш, ўқитиш ва малакасини ошириш ҳамда сертификациялаш ишларини ташкил этади;
- (v) давлат органлари ва ташкилотларида коррупцияга оид ҳуқуқбузарликлар ҳақидаги мурожаатларни кўриб чиқиш ҳолатини ўрганади;
- (vi) коррупция ҳолатларига доир ахборотларни қонун ҳужжатларида белгиланган тартибда оммавий ахборот воситаларига тақдим этади;
- (г) давлат органлари ва ташкилотларида коррупциянинг олдини олиш ва унга қарши курашишнинг замонавий ва таъсирчан воситаларини жорий этиш соҳасида:
 - (i) замонавий усуллар ҳамда ахборот-коммуникация технологияларидан фойдаланган ҳолда коррупцияга қарши курашишнинг самарали ва халқаро стандартларга асосланган воситаларини жорий этиш бўйича таклифлар тайёрлайди;
 - (ii) коррупциявий хавф-хатарларни баҳолаш ва бартараф этишда ижобий натижаларга эришган давлат органлари ва ташкилотларининг тажрибасини кенг оммалаштиради;
 - (iii) давлат органлари ва ташкилотлари фаолиятида коррупцияга оид хавф-хатарларни баҳолайди ва уларни бартараф этиш бўйича таклифларни ишлаб чиқади;
 - (iv) давлат органлари ва ташкилотларида коррупцияга қарши курашиш ишларининг самарадорлигини баҳолайди ва рейтингини эълон қилади;

(v) фуқаролик жамияти институтлари билан биргаликда ҳудудлар, иқтисодиёт тармоқлари ва бошқа соҳалардаги коррупция даражасини баҳолайдиган коррупцияни қабул қилиш Миллий индексини тузишни ташкил этади;

(д) норматив-ҳуқуқий ҳужжатларнинг коррупцияга қарши экспертизаси самарадорлигини таъминлаш соҳасида:

(i) норматив-ҳуқуқий ҳужжатларни коррупцияга қарши экспертизадан ўтказди;

(ii) давлат органлари ва ташкилотларига норматив-ҳуқуқий ҳужжатларни коррупцияга қарши экспертизасини ўтказиш бўйича методологик кўмак кўрсатади;

(iii) норматив-ҳуқуқий ҳужжатларда коррупцияга қарши экспертизаси тизимининг самарадорлигини таҳлил қилади ҳамда уларни такомиллаштириш бўйича таклифлар ишлаб чиқади;

(iv) 2027 йилдан бошлаб:

норматив-ҳуқуқий ҳужжатларнинг коррупцияга қарши экспертизасини ўтказиш бўйича экспертлар реестрини юритади;

амалдаги норматив-ҳуқуқий ҳужжатларни коррупцияга қарши экспертизадан ўтказиш бўйича давлат органлари ва ташкилотларининг фаолиятини таҳлил қилади ва мониторингини амалга оширади;

ҳуқуқни қўллаш амалиётидаги коррупциявий хавф-хатарлар таҳлили асосида амалдаги норматив-ҳуқуқий ҳужжатларни коррупцияга қарши экспертизадан ўтказишнинг йиллик режа-графиини ҳар йили 1 апрелга қадар тасдиқлайди ва эълон қилади, шунингдек, унинг ижроси юзасидан Коррупцияга қарши курашиш бўйича миллий кенгашга ва Ўзбекистон Республикаси Президенти Администрациясига ахборот киритиб боради;

экспертиза натижалари бўйича аниқланган коррупцияни келтириб чиқарувчи омилларни бартараф этишга қаратилган тегишли таклиф ишлаб чиқиш юзасидан давлат органлари ва ташкилотларига кўрсатма киритиб боради;

(ж) коррупциянинг олдини олиш ва унга қарши курашиш бўйича аҳолининг ҳуқуқий онги ва ҳуқуқий маданиятини оширишга қаратилган комплекс дастурларни ишлаб чиқиш ва амалга ошириш соҳасида:

- (i) фуқароларнинг ҳуқуқий онги, ҳуқуқий маданияти ва коррупцияга қарши муросасиз муносабатини шакллантиришга ва ошириб боришга қаратилган чора-тадбирларни ишлаб чиқади ва амалга оширади;**
- (ii) коррупциянинг олдини олишга қаратилган тадбирларга фуқаролик жамияти институтлари вакиллари фаол жалб этади ҳамда уларнинг давлат органлари ва ташкилотлари билан биргаликда самарали фаолият олиб боришига кўмаклашади;**
- (iii) коррупциянинг олдини олиш, унга қарши курашиш ва жамиятда коррупцияга нисбатан муросасиз муносабатни шакллантириш бўйича ижтимоий шериклик дастурларини шакллантиради ҳамда амалга оширади;**
- (iv) коррупциянинг олдини олиш ва унга қарши курашиш масалаларига оид материаллар, медиа контентлар ва ахборотлар тайёрланиши ҳамда тарқатилишини ташкил этади;**
- (v) халқаро ва маҳаллий экспертлар иштирокида фуқаролик жамияти институтлари вакиллари учун семинар, тренинг ва бошқа тадбирларни ташкил қилади;**
- (vi) коррупцияга қарши курашиш виртуал академиясида ёшлар, фуқаролик жамияти институтлари вакиллари учун махсус курслар ишлаб чиқилишига, мазкур аудиториянинг жалб этилишига кўмаклашади;**

(vii) коррупцияга қарши курашиш бўйича давлат сиёсати, коррупциявий хавф-хатарлар ва тадқиқот натижаларини инобатга олиб, янги ўқув модулларини жорий этиш бўйича таклифлар киритади;

(з) давлат хизматчиларининг даромад ва мол-мўлкини декларация қилиш тизими жорий этилиши ва самарали ишлашини ташкил этиш соҳасида:

(i) давлат хизматчиларининг даромадлари ва мол-мўлкини мажбурий декларациялаш тизимини босқичма-босқич жорий этиш бўйича чора-тадбирларни ишлаб чиқади ва амалга оширади;

(ii) давлат хизматчиларининг даромадлари ва мол-мўлки бўйича декларацияларининг ҳаққонийлигини ва ишончлилигини текширади;

(iii) қонунчиликда белгиланган тартибда давлат хизматчиларининг даромадлари ва мол-мўлкини декларация қилиш натижалари тўғрисида жамоатчиликни хабардор қилади;

(и) давлат хизматига ҳалоллик стандарти ҳамда манфаатлар тўқнашувини олдини олиш ва ҳал этиш стандартларини жорий этишга кўмаклашиш, шунингдек, уларга риоя этилиши ўстидан назоратни амалга ошириш соҳасида:

(i) коррупцияга қарши курашиш бўйича ўқитилиши лозим бўлган давлат хизматчилари контингентини шакллантиради;

(ii) давлат хизматчиларининг коррупцияга қарши курашиш борасидаги билимларини доимий ошириб бориш бўйича ҳамкорликда ўқув курсларини ташкиллаштиради;

(iii) давлат фуқаролик хизматчилари ўртасида юқори касбий этика, коррупцияга нисбатан мўросасиз мўносабатни шакллантириш бўйича комплекс режа ва дастурлар ишлаб чиқилишини ҳамда амалга оширилишини таъминлайди;

- (iv) манфаатлар тўқнашувини олдини олиш ва ҳал этиш стандартларини жорий этишга қаратилган таъсирчан чораларни кўради, шунингдек, уларга риоя этилиши устидан назоратни амалга оширади;
- (v) манфаатлар тўқнашуви билан боғлиқ ахборотни ва материалларни давлат органлари ва ташкилотларидан сўраб олади ва ўрганади;
- (vi) манфаатлар тўқнашуви билан боғлиқ ҳолатлар аниқланганда, битимни бекор қилиш, қарорни ҳамда бошқа ҳужжатни ўзгартириш ёки бекор қилиш тўғрисида давлат органлари ва ташкилотларига тақдимнома киритади ёхуд уларни ҳақиқий эмас деб топиш ҳақида судга даъво киритади;
- (vii) манфаатлар тўқнашувини ҳисобга олиш реестрининг, мавжуд манфаатлар тўқнашуви тўғрисидаги хабарноманинг ҳамда эҳтимолий манфаатлар тўқнашуви тўғрисидаги декларациянинг намунавий шаклларини тасдиқлайди;
- (viii) манфаатлар тўқнашуви натижасида фуқароларнинг, ташкилотларнинг, жамиятнинг ёки давлатнинг манфаатларига етказилган зарарнинг ўрни тўлиқ қопланишига эришилиши устидан назоратни амалга оширади;
- (ix) манфаатлар тўқнашуви тўғрисидаги қонунчилик талабларига риоя этмаганлик билан боғлиқ маъмурий ҳуқуқбузарлик ҳақида баённомани тузади ва уни кўриб чиқиш учун судга юборади;
- (к) давлат органлари ва ташкилотлари фаолиятининг очиқлигини таъминлаш соҳасини мувофиқлаштириш ва доимий мониторинг қилиш соҳасида:
 - (i) давлат органлари ва ташкилотлари фаолиятининг очиқлигини таъминлаш соҳасини мувофиқлаштиради ва доимий мониторинг қилиб боради;

- (ii) очиқ маълумотлар сифатида жойлаштирилиши керак бўлган ижтимоий аҳамиятга молик маълумотлар рўйхатини такомиллаштириб ва янгилаб бориш, шунингдек, очиқликни таъминлаш соҳасидаги қонунчилик ва уларда назарда тутилган механизмларни такомиллаштириш бўйича таклифлар ишлаб чиқади ҳамда уларни амалга оширишга кўмаклашади;
- (iii) “Очиқлик индекси”ни баҳолаш индикатор ва мезонларида кўрсатилган маълумотларни ўз вақтида очиқлаб бориш ва белгиланган талаблар ижро этилишини ўрганади, даврий баҳолаб боради ҳамда давлат идораларининг бу борадаги фаолиятини яхшилашга кўмаклашади;
- (iv) нодавлат нотижорат ташкилотлари, фуқаролик жамиятининг бошқа институтларининг давлат органлари ва ташкилотлари фаолияти очиқлигини таъминлашга қаратилган лойиҳаларини ҳамда бу борада ўтказиладиган тадқиқотларини ва ижтимоий сўровларини молиялаштирилади;
- (v) давлат органлари ва ташкилотлари фаолиятининг очиқлигини таъминлаш соҳасини жойига чиққан ҳолда ўрганади ва аниқланган қонунбузилиши ҳолатлари юзасидан ҳуқуқий таъсир чоралари қўллайди;
- (vi) давлат органлари ва ташкилотларидаги ишонч телефонларининг (Call-марказ) ҳамда уларнинг расмий веб-сайтларида эълон қилинган телефон рақамларининг доимий равишда ишчи ҳолатдалиги, маълумотлар алмашинуви самарадорлиги, қайта алоқанинг мавжудлиги, шу жумладан, тезкорлиги ва белгиланган муддатларда амалга оширилиши даражасини “Қайта алоқанинг сирли мижози” тадбирини ўтказиш орқали текширади;
- (л) Ўзбекистон Республикасининг коррупцияга қарши курашиш миллий кенгаши ва унинг ҳудудий кенгашлари фаолиятини самарали ташкил этиш соҳасида:

- (i) Миллий кенгаш йиғилишлари, кун тартиби ҳамда дастурларини ишлаб чиқиш ва уларда белгиланган масалалар юзасидан ташкилий чораларни амалга оширади;
 - (ii) Миллий кенгаш томонидан кўриб чиқиладиган масалалар юзасидан вазифа ва топшириқларни ишлаб чиқиш борасида таклиф беради;
 - (iii) Миллий кенгаш томонидан белгиланган вазифа ва топшириқларнинг самарали ижро этилишини таъминлаш юзасидан ташкилий чораларни амалга оширади;
 - (iv) Ўзбекистон Республикаси Олий Мажлиси палаталарининг коррупцияга қарши курашишга масъул бўлган қўмиталари, Қорақалпоғистон Республикаси Жўқорғи Кенгесининг тегишли қўмитаси, халқ депутатлари вилоятлар ҳамда Тошкент шаҳар, туман ва шаҳар Кенгашларининг коррупцияга қарши курашиш комиссиялари билан ҳамкорлик қилади;
- (м) коррупциянинг олдини олиш ва унга қарши курашиш соҳасида халқаро ҳамкорликни ривожлантириш соҳасида:**
- (i) мамлакатнинг имижини мустаҳкамлаш ва унинг халқаро рейтинглардаги ўрнини ошириш бўйича тизимли чоратadbирларни амалга оширади;
 - (ii) коррупцияга қарши курашиш соҳасида Ўзбекистон Республикаси қонунчилигининг умумэътироф этилган халқаро меъёрлар ва стандартларга мувофиқлигини ўрганади, шунингдек, уларни миллий қонунчиликка имплементация қилиш бўйича таклифлар тайёрлайди;
 - (iii) коррупцияга қарши курашиш соҳасида хорижий давлатларнинг ваколатли органлари, халқаро ва минтақавий ташкилотлар билан ўзаро ҳамкорликни йўлга қўяди ва ахборот алмашинувини амалга оширади;

- (iv) БМТнинг Коррупцияга қарши конвенцияси ва Ўзбекистон Республикасининг коррупцияга қарши курашиш соҳасидаги бошқа халқаро шартномалари қоидаларининг бажарилиши билан боғлиқ чора-тадбирларни амалга ошириш ҳамда ушбу йўналишдаги фаолиятни мувофиқлаштириш бўйича Ўзбекистон Республикаси миллий координатори вазифасини бажаради;
- (v) Агентлик ваколатига кирадиган масалалар бўйича халқаро ҳамкорликни йўлга қўяди ва хорижий давлатларнинг ваколатли органлари ҳамда халқаро ташкилотлар билан самарали ҳамкорлик шакллари ривожлантиради;
- (vi) коррупцияга қарши курашиш соҳасидаги ислохотларни жадаллаштириш мақсадида халқаро ҳамкорлар билан қўшма лойиҳаларни амалга оширади;
- (vii) хорижий экспертлар ва халқаро ҳамкорлар иштирокида коррупциянинг олдини олиш соҳасида тадқиқот ва таҳлил ишларини ташкил этади;
- (viii) Иқтисодий ҳамкорлик ва тараққиёт ташкилотининг Шарқий Европа ва Марказий Осиё мамлакатлари учун коррупцияга қарши курашиш бўйича тармоғининг Истанбул ҳаракатлар дастури доирасидаги ишлар ҳамда ишлаб чиқилган тавсияларнинг амалга оширилишини ташкиллаштиради.

Агентлик қонунчилик ҳужжатларида белгиланган бошқа функцияларни ҳам амалга ошириши мумкин.

3. Агентликнинг ҳуқуқлари

- 12. Агентлик коррупциянинг олдини олиш ва унга қарши курашиш бўйича зиммасига юклатилган вазифаларни бажаришда қуйидаги ҳуқуқларга эга:
 - (a) бюджет маблағларининг сарфланиши, давлат активларининг реализация қилиниши, давлат харидлари, инвестиция лойиҳаларининг амалга оширилиши ва давлат дастурлари бажарилиши билан боғлиқ материалларни талаб қилиш, олиш ва ўрганиш;

- (б)** ўз ваколатига тааллуқли масалалар юзасидан ўрнатилган тартибда норматив-ҳуқуқий ҳужжатлар қабул қилиш;
- (в)** Ўзбекистон Республикаси Президенти, Вазирлар Маҳкамаси ва бошқа давлат органлари кўриб чиқиши учун қонунчиликни ва ҳуқуқни қўллаш амалиётини такомиллаштириш масалалари ҳамда ўзига юклатилган вазифа ва функциялар бўйича таклифлар киритиш;
- (г)** жисмоний ва юридик шахсларнинг коррупция масалалари бўйича муурожаатларини кўриб чиқиш ҳамда уларнинг бузилган ҳуқуқларини тиклаш ва қонуний манфаатларини ҳимоя қилиш бўйича чоралар кўриш;
- (д)** ўрганиш ва бошқа тадбирлар натижалари бўйича тўпланган материалларни фаолиятида коррупцияга оид ҳуқуқбузарлик аломатлари бўлган шахсларга нисбатан қонунга мувофиқ чоралар кўриш, жумладан, жиноят ишларини қўзғатиш учун ҳуқуқни муҳофаза қилувчи ва бошқа давлат органларига тақдим этиш;
- (ж)** тадқиқотлар ўтказиш ҳамда таҳлилий материаллар тайёрлаш бўйича қўшма ишчи гуруҳларини тузиш;
- (з)** коррупция фактлари тўғрисидаги хабарларни текшириш натижалари бўйича қабул қилинган қарор тўғрисида маълумотни талаб қилиб олиш;
- (и)** ижро ҳокимияти ва хўжалик бошқаруви органлари ҳамда уларнинг мансабдор шахслари қарорларида коррупция белгилари аниқланган ҳолларда уларнинг ижросини тўхтатиш ёки бекор қилиш тўғрисида кўриб чиқилиши мажбурий бўлган тақдимномаларни киритиш;
- (к)** давлат органлари, ташкилотлари ва уларнинг мансабдор шахсларига кўриб чиқилиши мажбурий бўлган коррупцияга оид ҳуқуқбузарликка йўл қўймаслик тўғрисида огоҳлантиришлар ҳамда коррупцияни

келтириб чиқарувчи сабаб ва шарт-шароитларни бартараф этиш чораларини кўриш тўғрисида тақдимномалар киритиш;

(л) фуқароларнинг коррупцияга оид мурожаатлари ва маълумотлар юзасидан тегишли давлат органларида текширишлар ўтказиш;

(м) ўзига юклатилган вазифаларни тезкор ва ўз вақтида бажариш мақсадида вазирлик ва идораларнинг маълумотлар базаси, рўйхати ва бошқа кўринишдаги ахборот тизимларидан фойдаланиш;

(н) давлат хизматчиларининг даромадлари ва мол-мулкларини декларациялаш қоидаларини бузган шахсларга нисбатан қонуний чора қўллаш ёки бошқа тегишли чораларни қўллаш учун материалларни ваколатли органларга юбориш;

(о) коррупциянинг сабаб ва шарт-шароитларини, коррупция ҳолатини ўрганиш ҳамда таҳлил қилиш мақсадида давлат органлари ва ташкилотлари, ҳуқуқни муҳофаза қилувчи органлар, ўшлаб турилганларни ва қамоққа олинганларни сақлаш жойлари, жазони ижро этиш муассасаларига монеликсиз кириш ва ҳужжатлар билан танишиш;

(п) Ўзбекистон Республикасининг обрўсига салбий таъсир кўрсатадиган ҳамда давлат ва жамиятнинг ҳаётий муҳим манфаатларига жиддий зарар етказадиган коррупцияга оид ҳуқуқбузарликлар юзасидан қонуний таъсир чоралари кўрилишини ташкиллаштириш;

(р) ўз ваколатлари доирасида судларга кўриб чиқиш учун даъво аризалар (ариза, шикоят) киритиш;

(с) давлат органлари ва ташкилотларининг очиқликка оид қонунчилик ҳужжатларида кўрсатилган талабларни мунтазам равишда бузаётган айбдор мансабдор шахсларини жавобгарликка тортиш бўйича Ўзбекистон Республикаси Президенти Администрацияси ва Вазирлар Маҳкамасига таклифлар киритиб бориш.

Агентлик қонунчилик ҳужжатларига мувофиқ бошқа ҳуқуқларга ҳам эга бўлиши мумкин.

- 13.** Агентликнинг огоҳлантириш, тақдимнома ва мурожаатлари ўн кун ичида кўриб чиқирилиши ва натижалари юзасидан ёзма ахборот берилиши шарт.

4. Агентлик раҳбарларининг асосий функционал мажбуриятлари

- 14.** Агентлик зиммасига юклатилган вазифаларга мувофиқ унинг раҳбарлари қуйидаги функционал мажбуриятларни бажаради:

(а) Агентлик директори:

- (i)** Агентлик фаолиятига раҳбарликни амалга оширади ва Агентлик зиммасига юклатилган вазифаларнинг бажарилиши учун шахсан жавоб беради;
- (ii)** Коррупцияга қарши курашиш бўйича миллий кенгаш мажлисларида иштирок этади ва Миллий кенгаш томонидан қабул қилинган қарорларнинг ижроси таъминланишига масъул ҳисобланади;
- (iii)** давлат органлари, жамоат ташкилотлари ва халқаро ташкилотлар билан муносабатларда Агентлик номидан иш кўради;
- (iv)** Агентликнинг ходимларини лавозимга тайинлайди ва лавозимидан озод қилади;
- (v)** Агентлик директори ўринбосарлари ва ходимлари ўртасида вазифаларни тақсимлайди, шунингдек, ўринбосарлари ва Агентликнинг бошқа мансабдор шахслари ваколатларини ҳамда шахсий жавобгарлик даражасини белгилайди;

- (vi) Агентлик ҳамда давлат органлари ва ташкилотларидаги коррупцияга қарши ички назорат бўлинмаларининг ходимларини Ўзбекистон Республикаси давлат мукофотларига тавсия этади;
- (vii) буйруқ, қарор ва кўрсатмалар чиқаради ҳамда Агентликнинг таркибий тузилмалари тўғрисида низомларни, шунингдек, Агентлик фаолияти юзасидан бошқа ҳужжатларни тасдиқлайди;
- (viii) Агентликнинг харажатлар сметасини ва белгиланган штатлар сони доирасида штатлар жадвалини тасдиқлайди;
- (ix) ижро интизомига, шунингдек, жисмоний ва юридик шахсларнинг муурожаатларини қонун ҳужжатларига мувофиқ кўриб чиқиш муддатлари ва тартибига қатъий риоя этилишини таъминлайди;
- (x) Агентлик директори қонун ҳужжатларига мувофиқ бошқа ваколатларни ҳам амалга ошириши мумкин.

Агентлик директори бўлмаган вақтда унинг ваколатлари директорнинг биринчи ўринбосари томонидан, у бўлмаган вақтда эса директорнинг бошқа ўринбосарларидан бири томонидан амалга оширилади;

(б) директорнинг ўринбосарлари:

- (i) Агентликнинг зиммасига юклатилган вазифалар бўйича соҳа ва йўналишларни бошқаради;
- (ii) коррупцияга қарши курашиш ва унинг олдини олиш соҳасидаги норматив-ҳуқуқий ҳужжатлар ва бошқа ҳужжатларнинг лойиҳаларини экспертизадан ўтказиш ва сифатли тайёрлашни ташкил этиш масалалари бўйича Ўзбекистон Республикаси Президенти Администрацияси ҳамда Вазирлар Маҳкамасининг тегишли бўлинмалари билан ўзаро ҳамкорлик қилади;

- (iii) Агентлик директорининг топшириқларига биноан коррупцияга қарши курашиш ва унинг олдини олиш соҳасига оид дастурий ҳужжатларнинг бажарилишини мувофиқлаштиради;
- (iv) ўзлари мутасаддилик қилаётган Агентлик таркибий бўлинмаларида кадрлар захирасини шакллантириш бўйича ишларни тизимли асосда ташкиллаштиради;
- (v) Агентлик директори вақтинча бўлмаганида унинг вазифаларини бажаради;
- (vi) қонун ҳужжатлари ва Агентлик директорининг қарорларига мувофиқ бошқа функционал мажбуриятларни бажаради.

5. Агентлик фаолиятини ташкил этиш

- 15. Агентликнинг ташкилий тузилмаси ва бошқарув ходимларининг чекланган сони Ўзбекистон Республикаси Президенти томонидан тасдиқланади.
- 16. Агентлик директори бошқарув ходимларнинг белгиланган чекланган сони ва меҳнатга ҳақ тўлаш фонди доирасида Агентликнинг тузилмасига ўзгартиришлар киритиши мумкин.
- 17. Агентликка Ўзбекистон Республикаси Олий Мажлиси Сенати томонидан сайланадиган ва лавозимидан озод этиладиган директор раҳбарлик қилади.
- 18. Агентлик директори лавозимига номзод Ўзбекистон Республикаси Олий Мажлиси Сенатига Ўзбекистон Республикаси Президенти томонидан тақдим этилади.
- 19. Агентлик директори ўринбосарлари Агентлик директори тақдимномасига кўра Ўзбекистон Республикаси Президенти томонидан лавозимга тайинланади ва лавозимидан озод этилади.

20. Агентлик фаолиятининг очиқлиги ва шаффофлигини таъминлаш, шунингдек, коррупцияга қарши курашишда жамоатчиликни кенг жалб қилиш мақсадида Агентлик ҳузурида жамоатчилик кенгаши тузилади. Агентлик ҳузуридаги жамоатчилик кенгашининг таркиби Агентлик директори томонидан тасдиқланади.
21. Агентликка ходимларни ишга қабул қилиш Агентлик директори томонидан белгиланган тартибга мувофиқ танлов асосида амалга оширилади.
22. Агентлик директори ва унинг ўринбосарларига хизмат гувоҳномаси Ўзбекистон Республикаси Президенти Администрацияси томонидан, бошқа ходимларга Агентлик директори томонидан берилади. Агентлик ходимларининг хизмат гувоҳномаси шакли Агентлик директори томонидан тасдиқланади.
23. Ходимлар Ўзбекистон Республикаси Президенти ҳужжатида назарда тутилган ҳолларда Агентликдаги иш фаолияти даврида аттестациядан ўтказилади.
24. Агентлик ходимларига илгари ишлаган жойида кўп йиллик меҳнати учун берилган устамалар ва қўшимча ҳақ, ҳарбий ва махсус унвонлар (мартаба ва малака даражалари, дипломатик даражалар ва бошқалар) сақланиб қолади.
25. Агентликда ишлаган вақт ҳарбий ва махсус унвонларни (мартаба ва малака даражалари, дипломатик даражалар ва бошқалар) олиш учун зарур бўлган иш стажига киритилади.
26. Агентликка лавозимга тайинланган (юборилган) ҳуқуқни муҳофаза қилувчи органлар ходимлари ўз мажбуриятларини бажариш даврида пул таъминоти сақланмаган ҳолда тегишли ҳуқуқни муҳофаза қилувчи органлар кадрларининг амалдаги захирасига тўғридан-тўғри киритилади.

27. Агентлик ходимлари меҳнат фаолиятини тўхтатганларидан сўнг уларга аввалги иш жойи бўйича эгаллаган ёки унга тенг бўлган лавозим бериш кафолатлари таъминланади.

**6. Агентликнинг давлат органлари ва ташкилотлари,
хўжалик бирлашмалари, маҳаллий давлат ҳокимияти органлари
ва бошқа ташкилотлар билан ўзаро ҳамкорлиги**

28. Агентлик ўз вазифалари ва функцияларини амалга оширишда давлат органлари ва ташкилотлари, хўжалик бирлашмалари, маҳаллий давлат ҳокимияти органлари ва бошқа ташкилотлар билан ўзаро ҳамкорлик қилади.

29. Агентликнинг фаолиятига Ўзбекистон Республикаси Президенти Администрациясининг тегишли таркибий бўлинмалари томонидан мутасаддилик қилинади.

**7. Агентлик фаолияти самарадорлиги ва натижадорлигини
баҳолаш мезонлари ва иш индикаторлари**

30. Агентлик фаолияти самарадорлиги ва натижадорлигини баҳолаш Ўзбекистон Республикаси Президенти томонидан тасдиқланадиган Агентлик фаолияти самарадорлиги ва натижадорлигини баҳолаш мезонлари ва иш индикаторларига асосланади.

31. Агентлик фаолияти самарадорлиги ва натижадорлигини баҳолаш якунлари бўйича:

(а) Агентлик раҳбарлари ва ходимларини рағбатлантириш (мўкофотлаш) ёки интизомий жавобгарликка тортиш;

(б) Агентлик фаолиятида аниқланган камчиликларни бартараф этиш ва унинг фаолиятини янада такомиллаштириш чора-тадбирлари кўрилади.

- 8. Агентлик фаолиятини молиялаштириш ва моддий-техник таъминлаш, унинг ходимлари меҳнатига ҳақ тўлаш ва моддий рағбатлантириш**
- 32.** Қуйидагилар Агентлик фаолиятини молиялаштириш манбалари ҳисобланади:
- (а)** Ўзбекистон Республикаси Давлат бюджети маблағлари;
 - (б)** Жамоатчилик назоратини ривожлантириш жамғармаси маблағлари;
 - (в)** вақтинча бўш маблағларни тижорат банкларининг депозитларига жойлаштиришдан олинган даромадлар;
 - (г)** қонунчилик ҳужжатлари билан тақиқланмаган бошқа манбалар.
- 33.** Ҳар йили Ўзбекистон Республикасининг Давлат бюджети параметрларида алоҳида модда билан Агентлик фаолиятини молиялаштириш учун зарур маблағлар назарда тутилади.
- 34.** Агентлик ўз ваколатларини амалга ошириши учун зарур моддий-техника воситалари ва бошқа асбоб-ускуналар билан таъминланади.
- 35.** Агентликни моддий-техник жиҳатдан таъминлаш харажатларини молиялаштириш, шунингдек, унинг ходимлари меҳнатига ҳақ тўлаш, моддий рағбатлантириш ва ижтимоий ҳимоя қилиш Ўзбекистон Республикаси Давлат бюджети, бюджетдан ташқари жамғарма манбалари ва қонунчилик ҳужжатларида тақиқланмаган бошқа манбалар ҳисобига амалга оширилади.
- 36.** Агентлик ходимларининг иш ҳақи лавозим маоши, мукофотлар, қўшимча ҳақлар, устамалардан ва қонунчилик ҳужжатларида назарда тутилган бошқа тўловлардан иборат.
- 37.** Хизмат вазифасини сидқидилдан ва самарали бажариб келаётган Агентликнинг юқори малакали, ташаббускор ходимларига юқори малакаси учун Агентлик директори томонидан Жамоатчилик назоратини ривожлантириш жамғармаси маблағлари ҳисобидан шахсий устамалар белгиланиши мумкин.